

粵臺徵雅錄
匪石山人詩



平 是 世 體 年
年 是 世 體 年



匪
石
山
人
詩

鈕樹玉撰

中
華
書
局

I wt 40/1202 ✓

叢書集成初編

粵臺徵雅錄（及其他一種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

匪石山人詩

此據靈鵜閣叢書
本排印初編各叢
書僅有此本

匪石山人詩

吳縣鈕樹玉

癸亥十月同錢君侗沈君靖陶君樸彭君光藻讀集王少司寇履二齋以明月幾時有分詠予得時字

明月升東海流輝徧天涯。盈盈傍三五皎皎諧心期。良覲安可必百年此一時。平生感磊落聞聲輒相思。何幸共今夕列坐傾瓊卮。契闊展舊好綢繆結新知。願言託宮羽旋轉無參差。

乙丑十二月望日同洪君亮吉陳君豐黃君丕烈集澄谷上人之見山閣以把酒問青天分詠余得青字

新陽起寒谷泛棹來支硎。聯珠欣繡綵妙境開瓏玲。歲晏羣芳肅幽巖獨青青。不有洪崖客誰能款禪局。時洪君寓見山閣小閣得暫惕煩襟已清甯。中天月輪滿萬象生光晶。歷歷感昔游飄散同浮萍。爲歡復今夕一醉渾忘形。

次更生先生游白雲泉韻

佳會本難期良辰喜重至。冰天雪窖餘把袂當蕭寺。入世笑狙公朝暮矜三四。中流有砥柱攀檻曾親試。始信儒術高質奇文乃肆。人生一世閒安可不事事。百鍊成精鋼貴以伸素志。揭來登高峯亦足歡積思。

陽氣萌空巖。梅花尙凝滯。咫尺判仙凡。風塵愧城市。

庚午除夕時寓思適齋

冰霜增凜栗。一歲又將休。賴有知交聚。都忘羈旅愁。浮蹤豈有定。守拙更何求。取次梅花放。西山正可游。

三月二十六日自溧陽發棹至廣陵途中口占

雨雨風風裏。蕭然過一春。花枝無限好。愁殺未歸人。

小蓮五十索詩時寓溧陽

絢爛送春光。恢貽接孟夏。離懷日夕深。旅況不堪寫。疇昔數相知。如君蓋已寡。傾筐更倒篋。言笑不暫捨。各無進取志。榮利薄外假。君自富才華。下筆掩羣雅。周旋絕脂韋。談論恥炙輶。豈謂傾年來。一別同奔馬。君年政五十。息影蓬廬下。余乃走風塵。自顧如土苴。低回念舊知。獨倡誰和者。何日楓江邊。論心手重把。

癸酉十一月晦石寓溧陽官舍是日長至有感

寂寂微陽轉。悠悠客思長。天涯逢令節。雲物記他鄉。大道猶多梗。中州不靖愁。眉豈得揚。離家雖不遠。獨立意蒼茫。

相馬篇

鹽車困驚駘。天閤列騏驎。所致信有由。所別良非易。藐矣九方歎。驪黃了不記。挈精乃遺粗。孰能混真僞。曠哉六合間。逢時需利器。絕塵緬追風。歷塊無顛躓。當其伏櫪初。有志豈能遂。一顧空冀羣。千載同延企。

邀酌口占

一醉渾忘暑。來從東寺游。密雲仍不雨。衆壑久停流。空抱杞人戚。誰分漆室憂。五湖鄉國近。浩蕩羨浮鷗。

六月十七日酷暑忽雷雨交作喜而成詠

火雲散盡水雲生。頃刻都將溽暑更。雷雨滿空光出沒。人間抑鬱一時平。蟬聲如沸日如年。展轉無心有夢牽。記得家鄉游釣處。綠楊風裏滿湖蓮。

夏課觀荷分得清字

經旬困薰灼。出戶魂先征。豈知去咫尺。恍忽超蓬瀛。豔豔泛初日。盈盈列搖瓊。沿回一顧盼。已覺心神清。緬彼餐霞客。絕無世網嬰。蓮性自不染。仙骨由天成。我來投金瀨。炎暑倏再更。勝游得邂逅。慨然念平生。少壯悔鹵莽。蹉跎惕長羸。洪鑪隨大化。誰辨身後名。

唐井歌

雲煙過眼渾無迹。梵宇禪宮亦消釋。寒泉一勺靜無波。歷劫長含土花碧。我來壞牆頻摩挲。紀年隱隱存元和。道人澄觀助開鑿。因之更憶昌黎歌。泗州寶剎同時建。照耀寰宇插霄漢。可憐淮泗日交流。舊迹至今無一片。往來誰問零陵寺。遺甃歸然具方志。由來改邑不改井。俗說紛紛安足記。九十一字完無缺。古意冲融成一偈。投金人杳瀨水寒。羨爾千秋能不滅。

射鴨堂

鯤鵬游溟海，鷺鳩棲蒿蓬。大小雖懸絕，其適將毋同。棲棲東野子，浩浩盤心胸。雲龍偶一合，安能振其窮。我來經瀨水，四顧尋遺蹤。射鴨眇無迹，薔薇亦凋紅。夷然暫游戲，千秋想流風。始知祿利間，得失等雞蟲。迎秋詞

金井梧桐葉未凋，離邊絡緯已蕭蕭。故衣纔浣新涼起，客子光陰好自調。纖雲片片起魚鱗，淘汰胸中萬斛塵。食盡文章餘脈望，可憐無補費精神。

次馬棣原見贈韻

名士風流自有真，朱絃疏越更誰溫。崢嶸門戶人爭尚，蹴躡泥塗道不尊。顧我窮愁空著作，羨君華實得兼存。石頭城下經游慣，交臂偏慳共一樽。

淵如先生索題游禹穴卷後

靈虛閼太古，幽邃開南天。苟非具仙骨，誰能共周旋。壯游緬史公，奇迹窮攀緣。悠悠隔千載，杳杳空雲煙。偉人起昭代，塵滓了弗牽。山川覽修廣，天地知方圓。汲深力足繼，好古情彌延。嗟余等蟻蠅，焉能窺其全。向往雖吾志，景行空纏綿。

冶城山館呈孫觀察

六代繁華歇，爲廬傍冶城。已超高世想，直欲御風行。汲引曾無倦，升沈了不驚。千秋饒著作，一往見遙情。趙北嵐明府集漢碑百種

秦刻久消沈。漢碑日漫患。搜羅徧寰宇。豈獨供流盼。文字通訓詁。六經由此辨。篆變而爲隸。源流尙可見。著錄始歐趙。洪鑪加鍛鍊。迄今備參稽。不使後人眩。異代有同心。盛時起偉彦。韻補劉球遺。體正南原舛。歲月易駸駸。金石殊戀戀。百種集一齋。千秋足昭綬。

十一月望日訪寒石出吾與菴圖索題率書四十字

寒巖冰雪裏。乘興更相攀。舊迹渾如夢。恆河不改顏。塵勞虛歲月。花木淨禪關。讀罷圖中句。流連未忍還。

半枯桐

一半含生意。全身賴不材。分無爨後賞。幸免道旁猜。鸞鳳終回顧。蚍蜉莫漫摧。神奇同臭腐。萬化信難裁。

醉墨居

揮灑曾無倦。臨池興自豪。醉鄉留翰墨。客路厭風濤。金谷空蕭索。蘭亭最鬱陶。此中足消遣。餘事等鴻毛。

甲戌除夕

青鐙兼細雨。一歲又將除。宛轉迷長策。徘徊憶舊廬。精神知漸減。學業愧全虛。那得田園樂。春來獨荷鋤。

乙亥元旦

晨雞初唱入新年。鄉夢依稀隔曉煙。鏡裏衰顏空自覺。客中清景共誰憐。凍雲尙未消殘雪。郢曲何堪雜雅絃。書卷光陰慈母線。天涯根觸倍纏綿。

元日有感

冰池猶不解，梅萼豈能舒。旅次逢元日，天涯歎索居。白雲親舍遠，尊酒故人疏。吟罷風聲急，餘寒尚未除。

春雪

繞樹無聲雪作花，春風先已透檐牙。圍爐賴有同心侶，策蹇誰尋隱士家。澤畔飛鴻喧冥色，天涯倦客斂

藍芽。坡翁仙骨由來少，白戰紛紛莫漫誇。

入春七日不禁寒。正月二日作。舊歲十二月二十六日立春。徹夜清輝獨倚欄。放達未應輕畢卓。孤高何

二月十三日對月

中庭明月滿，相對意闌刪。春色垂將半，花枝杳莫攀。孤弦抽獨繭，鄉夢冷刀環。一望清輝遠，依依戀故山。

春陰

春已三分去，天無十日晴。捲簾惟宿霧，入耳少新鶯。空自探陳篋，還思唱渭城。花枝無限好，只是不分明。

上巳日雨中作時客廣陵

歲月互回環，萍梗不自計。悠悠已暮春，冉冉當修禊。今古一氣通，俯仰誰同憩。遙遙緬蘭亭，寂寂成孤詣。人物並超凡，千秋傳絕藝。曾經溟渤寬，始覺溝渠細。彼我既殊趨，方圓難附離。雨窗引濁醪，亦足破幽滯。

吳思亭出示五畝園詩即次其韻時同淵如先生舟過棲霞三月十七日也

經旬蹤迹困湫囂，又喜良朋忽見招。千里澄波當皓月，一年失事在春朝。名園疊唱音難嗣，仙侶同舟酒

易消回首蕪城風景別。夢魂無復戀虹橋。

溧陽懷古四詠

柯亭清響絕。誰問讀書臺。避難來吳下。潛身混草萊。秦虛空有觀。荒徑徧生苔。一代名賢蹟。迷離付劫灰。

蔡中郎讀書臺

池塘春水滿。洗墨更誰知。夢草開幽徑。清文起滯思。翻階紅藥蕊。凝盼暮雲馳。無復餘亭榭。空傳過客詩。

謝元暉洗墨池

白雪貌無際。來登太白樓。千秋餘絕調。萬古孰同游。飄忽人如寄。蒼茫我欲愁。雲煙紛過眼。天地信悠悠。

李太白酒樓

射鵬誠游戲。誰憐作尉年。淒涼分半俸。寂寞坐青氍。紅豔舊微坼。雲龍翰墨聯。我來尋舊蹟。一往意纏綿。

孟東野射鴨堂

端午日醉後作三君詠

別來歲再更。動定今何如。京華萬人海。豈止翰墨娛。憶昔海湧峯。與君會面初。一言即契合。婁得隨招呼。

纔經十餘載。賞心良不孤。豈謂轉瞬間。山高水復迂。相思杳難即。搔首空躊躇。

戴竹友

思君下帷時。晨夕共歡宴。一別愴參辰。差池不相見。雲濤隔三山。悅惚空依戀。近接北來人。知君每垂眷。

夢寐仰屋梁。形神豈遽變。各抱無情懷。流光去如電。

黃琴南

雲霞在空際。舒卷誰能拘。清詞出秋水。初日明芙蕖。祕書得徧探。芸閣展華裾。同思三澗間。酣唱同菰蒲。此景宛在目。此樂焉能俱。陶堯香

小迂寫鍾進士彈琴圖戲作短歌

榴花綻紅蒲艾綠。白日當空鬼魅伏。終南進士悄無聲。拂絃欲奏雲韶曲。嬋媛女壺含顰立。欲言不言百憂集。習俗紛紛盡守常。移宮易調安能入。雲濤恍惚移我情。成連海上行將歸。鯉魚出聽巨鼉舞。豈與郢客爭輸贏。

題桑連理館主客圖

白榆列天上。若木榮湯谷。託根非不遙。臭味自相屬。曠矣六合間。日出紛追逐。所適豈所期。展轉空拘束。我欽陳仲良。矯矯超凡俗。壯游歷遐陬。中道沾微祿。下榻延同心。開尊招琴局。琴□清若水。歡賞日不足。繇綿主客圖。漠漠刪繁縟。四面起峯巒。一庭蔭花木。金谷徒豪奢。玉山終炫煜。流風仰蘭亭。千秋繼高躅。聞方葆巖先生於六月六日下世志感

感興

樂爲六藝一。藉以平心氣。五聲十二律。今古初無異。奈何後世人。視之等遊戲。博鑿兼狹邪。寢食不暫置。興詩與立禮。一概可吐棄。嗟嗟儒者流。豈□徇祿利。我言非荒誕。甘爲時人罵。

曠者別音聲。盲人分黑白。世界稀全才。何事強窘迫。哀哉庸妄流。自謂都精覈。居之既不疑。導之安能益。曠矣至人懷。不知不深責。守靜而涵虛。大道豈終隔。

古人成一藝。心力爲之瘁。苟欲徇人好。豈能臻絕詣。汲汲夸毗子。於旨本無會。曰此自矜奇。徒增識者嘖。白玉委泥沙。燕石競什襲。貴賤良有時。鑿枘安能入。習俗信難移。畸人甘獨立。抱璞亦何傷。每病下和泣。門戶生水火。偏執成支離。豪釐忽千里。一失不可追。恬淡害自遠。盛滿人莫規。大道本無隱。盲者何由隨。載舟與覆舟。水性本無二。勢成在一激。天道亦人事。厝火於積薪。安得不燦熾。處變而守常。紛紛焉足恃。

八月晦日同申甫劉君詣溧陽學宮適叢桂盛放徘徊良久又游平陵書院觀奇石隨爾成篇

天香發叢桂。迤邐循宮牆。囊裳得邂逅。恍忽游豪梁。奇石各異姿。同岑列殊鄉。不知從此去。後會當何方。我迹任偃蹇。君行已高翔。出處雖縣絕。意氣幸一量。扶桑仰蒼蒼。瀨水觀洋洋。鴻泥須印取。此樂長無忘。

送叔美錢君之吳門

秋風吹瀨水。君去渺愁予。少日各馳驚。半年同此居。虛無看指點。豁發定相於。一片吳門月。悠然念故廬。董文敏爲王文肅孫煙客作御書樓記墨迹程易疇瑤田先生得并臨一通授其孫由之錫用乙亥

十月遇由之於廣陵出卷索題因題於第四卷

儒林有真傳。通藝無捷徑。天假目大年。千秋使論定。昭代徵文獻。新安極鼎盛。江戴並時生。精覈莫能競。先生隨踵至。前後相輝映。微妙究音律。能波及筆陣。三絕信凌駕。九數特超乘。嗟余質荒陋。與學無一稱。

往昔在吳門。幸獲展私敬。靈光不常存。妙蹟留瑜瑾。什襲賴文孫。鄭重寶遺命。歲晏游廣陵。開卷發清興。敢曰邱蚓聲。擬彼五君詠。

琴趣圖爲筱石司馬題

晉世盈清談。真意日疏隔。挺生靖節翁。再使醇風關。絃外有妙旨。室中生虛白。至今被其化。悅與羲皇炙。賢侯起皖江。千載契高迹。絃歌起三吳。雅化流遐僻。偶圖昭文趣。迥繼東山屐。黍谷轉陽和。堅冰融大澤。尋常坐春風。永使百憂釋。

嬰桃瓦宮歌

嬰桃轉舍最後出。甘泉平樂紛流傳。懈予昔箸新附攷。謬目含烏箋青編。嬰之爲義乃言小。當春特薦登豆籩。木旁增益起後世。轉使正義生纏牽。陳君一跋特明暢。埽除異說歸真詮。斲冰積雪臨歲杪。故鄉景物偏流連。靈威大文不可見。韓陵片石頻磨研。古來篆籀日漫患。賴有金石餘雕鐫。幸矣斯器藏大雅。豈令過目同雲煙。

冬夜口占

一年看又盡。春氣已萌芽。故里空翹首。寒梅定著華。舊交渾莫接。客夢渺無涯。銜鼓聲聲急。巡檐月影斜。橫笛中宵起。歌聲抑復揚。壯懷消易盡。幽意耿難忘。冰雪圍殘臘。雲山隔故鄉。所欣饒歲畢。冉冉越新陽。中秋前一日雨中泛舟詣學耕堂晤黃堯圃卽題其梅花吟卷

萬重花氣壓春雲。一片瑤光戀夕曛。舊夢不離香雪海。絕憐伴侶遶難羣。
畫裏寒香尙未殘。清詞娓娓出吟壇。維摩滅度洪崖逝。從此春山不忍看。

二十一日會袁君琴南於官署出異苔同岑圖索題卽次小舅韻

亭林清迥碧波寬。邂逅偏成傾蓋歡。名士久欽張長史。詩篇不讓鄭都官。氣量共醉三秋桂。蕭瑟誰滋九
畹蘭。書罷題襟牽別緒。一身無定類珠盤。

貽四女今歲春歸施元纘

嬌女平生戀明珠。出水濱。天然去彫飾。邈爾絕風塵。最小偏聰慧。常貧不怨曠。芊羅堪託處。莫問浣紗津。

題顧俠君雙井書屋圖在京師

東吳論名家。首推惟顧陸。不朽良有在。豈但藉世祿。昭代起亭林。遠紹希馮闕。俠君洵媲美。著述日不足。
余生嗟已晚。聞風徒往復。秀野雖咫尺。未獲一游矚。茲觀雙井圖。如親碩人軸。紛然人海中。乃有此幽築。
紅豆久荒蕪。鶴棲亦蕭索。千秋緬往迹。雲煙同過目。

瞿子冶印譜題辭

昔余游吳門。始與陳君遇。謂勇生。迄今將二紀。繾綣常依附。太邱雖道廣。最契唯金石。徧搜鐘鼎文。力摹
篆籀迹。海內數名流。卓然爲巨擘。瞿君臭味同。一往通幽邃。富其奏刀初。卽已中肯綮。茲余來滬濱。邂逅
不我棄。盡出所著作。切磋商鈍利。嗟余少失學。中道成萍梗。幸多君子交。狂談任馳騁。至顯在積微。汲深

藉脩綆，千秋有絕藝。兩美定合併。

八月下旬琴南袁君邀余信宿南園

南園等梁園，在昔極繁盛。嗟余已後時，未獲同游泳。瀛壖本仙鄉，惜爲塵俗競。茲來得良朋，信宿遂幽興。怪石或傾欹，枯荷尙掩映。悠悠緬往昔，落落標真性。一去杳難攀，聊爲洛生詠。

七薌改君引游吾園

昔我來此間，斯園實未有。轉盼二十年，勝概開靈藪。園亭關盛衰，亦足志創守。清秋風日佳，導我得良友。入門絕衆喧，四顧鮮塵垢。碧沼環一區，芙蓉映疏柳。予本山澤羸，栖栖厭奔走。裴王信難攀，皮陸或可偶。一笑同濠梁，超然亡我醜。

龔君率人出示詩文走筆呂贈

翠蚪游青霄，醴雞舞盆盎。賦形既懸絕，高下焉能仿。大雅久不作，斯文日愴愴。蛙聲與蟬噪，傾耳共嗟賞。浙西挺奇人，獨立絕俛仰。萬卷羅心胸，下筆空依仗。余生實鄙陋，每獲親椒黨。徧覽所抒寫，如君竟無兩。君今方盛年，負志多慨慷。大器須晚成，良田足培養。陽氣已潛萌，萬彙競生長。率爾成贈言，聊以資撫掌。

題趙北嵐先生遺像

日月無停晷，萬形孰能久。千秋有令名，得此誠不朽。憶昔謁公初，乃與龔公偶。謂木夫及茲逾二紀，注意感深厚。瞿君已捐館，公亦隨星斗。知交日零落，衰白空搔首。公實挺名邦，世德崇山阜。致身本儒術，遺愛